

余攝牧海昌適錢深廬學博海昌備志成已梓行矣  
有志乾隆三十九年陞縣爲州其明年刺史戰魯材所修  
也相傳以浮議不列編輯名氏前無序迄今版已漫漶爰  
修之與備志相輔而行夫宋圖經不可見矣明曾氏志郭  
氏賦役書嚴氏水利圖俱散失蔡古亭嘉靖志趙無聲備  
考談孺木外志蔡燕及都庄圖鈔本僅存許典三金柱峯  
二志版毀梓本亦稀此戰志之版不可不修也金志創於  
乾隆二十二年迨二十九年黃容庵續編付梓戰志相去  
甫十年耳多仍金志之舊畧增後事維時周松靄大令別  
著海昌勝覽周耕厓孝廉著甯志餘聞稽核典實以補闕

海甯州志

序

一

迄今深廬偕董鑑西廣文邑中諸名宿成備志五十二卷  
如攻玉然類者滿之如伐山然留者剔之如疏泉然縷而  
汲之如治絲然夔而緯之昔有州志而無備志而州志或  
未必傳今有備志以輔州志而州志益不可廢覽備志而  
知州志之未詳覽州志而知備志之從畧兩書並行如驂  
之靳惜乎松靄耕厓不及見也勝覽餘聞余亦從深廬假  
讀錄副如合者舊著作作用成都文類新安文獻志之例以  
成一書豈不甚善州中士大夫儻有意乎是尤余與深廬  
所深願也憶余自丁酉因會稽屠嘯園教授以交深廬荏  
苒十餘年矣甬東蜃霧海水生紅從事磨盾深廬與余魚

素不絕間一把臂多談志事余出蛟關至翁洲登補陀落伽鯨波旣戢返轡天目猥以疏愚來莅斯土游可讀書齋賞奇析疑甫及一載又將徙由拳人生之聚合抑有數存耶雖然由拳乃深廬之桑梓而海昌之鄰境也深廬儻按至元嘉禾志之所未備以益我見聞又何異朝夕之過從乎道光二十八年歲在戊申秋八月旣望署海甯州知州事金陵朱緒曾撰

海寧州志目錄

卷首

詔諭

宸翰

卷之一

序文 目錄 圖 沿革 星野 形勝 疆界

州治 公署 學校 附書院

卷之二

山川 水利 市鎮 都庄 橋梁 風俗 物產

卷之三

海寧州志

目錄

戶口 田賦 徭役 課程 歲辦 軍匠

卷之四

漕運 附屯糧 倉貯 俸糧 鹽法 兵防 郵傳

郵政

卷之五

海塘 形勢 潮汐 修防 附程式 兵夫

卷之六

壇壝 祠廟 寺觀 古蹟 名勝 坊表 塋墓

卷之七

職官 名宦

卷之八

選舉上 前錄 進士 舉人 副榜

卷之九

選舉下 薦舉 恩拔歲優貢 仕進 武科 武職  
封贈 恩廕

卷之十

名臣 忠烈 循吏

卷之十一

儒林 文苑

卷之十二

孝友 義行 耆德 隱逸 方技 寓賢 仙釋

海寧州志

目錄

二

卷之十三

列女上 節婦上

卷之十四

列女下 節婦下 列女 貞女 孝婦 賢媛 閨

卷之十五

藝文 著述 碑版

卷之十六

雜誌 災祥 兵寇 軼事

# 海寧州志圖

圖

圖

春秋吳越分境圖

見石門縣志

南子城

射襄

東顧

練浦

橋李城

吳越境

范蠡塢  
洗足灘  
胭脂灘

烽火樓

蒼城

管城  
屬塩官

海

晏城



武原監官未見海垣縣志  
所舊境圖




圖一


圖二




圖二




圖二  
圖三






圖四




圖四





圖五


圖五



北

東至北嘉興府海鹽縣界

圖六



四境圖見蔡志


東至嘉興府海鹽縣界

南

北

圖六

西



南

界縣門

西北至湖州府德縣界




西至杭州府仁和县界

圖七

圖七

坊郭圖

見蔡志




坊郭圖

海


州治總圖


見郡志




圖八

圖八






圖九  
州治圖  
見蔡令志




圖九



圖十

儒學圖



見蔡令志




圖十

海神廟圖

原金台志



海塘圖





山嶺至南




海寧州四境全圖 乾隆四十一年

西至仁和縣上舍浮界四十七里

白縣門石至北

圖十三

圖十三



甬山

蜀山

石井



圖十四


圖十四

東至海鹽縣金牛山界八十三里

海寧州西境全圖 乾隆四十年




海寧州東境全圖 乾隆四十一年




圖十五

圖十五



圖十六



圖十六

東

望夫山

鳳凰山

大尖山

小尖山

建山壩

談仙嶺

黃山

黃潭港

司城尖山開

水溝

跨塘橋

源寶河

西路場  
東路場

石橋

龍尾山  
妙果山

王道湖

三環洞橋

贊山

家下塘橋

張店橋

橫山

贊山  
金盆山

東山  
西山

海寧州志

卷首

詔諭

雍正二年八月十五日欽奉

上諭朕思天地之間惟此五行之理人得之以生全物得之以長養而主宰五行者不外夫陰陽陰陽者卽鬼神之謂也孔子言鬼神之德體物而不可遺豈神道設教哉蓋以鬼神之事卽天地之理故不可以偶忽也凡小而邳陵大而川嶽莫不有神焉主之故當敬信而尊事況海爲四瀆之歸宿乎使以爲不足敬則堯舜之君何以柴望秩于山

海寧州志

卷首

詔諭

川文武之君何以懷柔百神及河喬嶽今愚民昧于此理往往信淫祀而不信神明傲慢褻瀆致干天譴夫善人多而不善之人少則天降之福卽稍有不善者亦蒙其庇不善人多而善人少則天降之罰雖善者亦被其殃近者江南報上海崇明諸處海水泛溢浙江又報海寧海鹽平湖會稽等處海水沖決隄防致傷田禾朕痛切民隱憂心孔殷水患雖關乎數或亦由近海居民平日享安瀾之福絕不念神明庇護之力傲慢褻瀆者有之夫敬神固理所當然而趨福避禍之道卽在乎此能敬則謂之順天不敬則謂之褻天褻天之人顧可望綏寧之祚乎詩曰敬天之怒

無敢戲豫又曰畏天之威于時保之朕固當朝乾夕惕不  
遑寧處以敬承天意亦願爾百姓共凜此言內盡其心外  
盡其禮敬神如神在實以至誠昭事而不徒尚乎虛文人  
意卽神意一念之感格自足以致休祥豈獨一家一鄉之  
被其澤哉爾百姓果能人人心存敬畏必獲永慶安瀾着  
該督撫將此諭旨令該地方官家諭戶曉俾沿海居民一  
體知悉特諭

雍正七年八月二十三日欽奉

上諭朕惟古聖人之制祭祀也凡山川嶽瀆之神有功德于  
生民能爲之禦災捍患者皆載在祀典蓋所以薦歆昭格

海寧州志

卷首

詔諭

二

崇德報功而并以動斯人敬畏祇肅之心使之毋敢慢易  
而爲非也雍正二年浙江海塘潮水沖決朕特發帑金命  
大臣察勘修築并念居民平日不知敬畏明神多有褻慢  
切諭以虔誠修省之道令地方官家喻戶曉警覺衆庶比  
年以來塘工完整災沴不作居民安業已默叨

神佑矣今年潮汛盛長幾至泛溢官民震恐幸而水勢漸退  
隄防無恙此皆

神明默垂護佑惠我蒸民者也茲特發內帑十萬兩于海寧  
縣地方勅建海神之廟以崇報享着該督遴委賢員度地  
鳩工敬謹修建務期制度恢宏規模壯麗崇奉祀事用答

明神庇民禦患之休烈且令遠近人民奔走瞻仰興起感動庶莫不盡消其慢易之私而益振其恪恭之志相與服教畏神遷善改過永荷庥祥則于國家事神治人之道庶有賴焉其一應事宜着該督等詳悉定議具奏特諭

雍正十三年十月二十三日工部欽奉

上諭浙江修理海塘工程該督郝玉麟等奏增添捐納條款經九卿會議准行朕思捐納一事原爲一時權宜無益於吏治竝無益于國帑朕知之甚悉浙省增捐之處不必行海塘工程着動正項錢糧辦理欽此

乾隆元年六月二十一日欽奉

海寧州志

卷首

詔諭

三

上諭朕聞濱海之鄉土地坍塌漲不常田無定址於是豪強得恣侵占而爭端日興其責在地方有司熟悉土宜按制定法弭釁于未然而平其爭于初發則可爲良吏矣夫州縣有司非盡不知愛民者特以田土情形未能稔悉不得不寄耳目於吏胥而猾吏奸胥又往往與土豪交通變亂成法予奪任意弱肉強食爲厲無窮獄訟繁興端由于此至若沿海新漲之沙鄰邑互爭有司又各袒所屬益滋紛攘此皆徇私而未識大體者朕以天下爲一家而州縣官各膺子民之責亦當體朕之心以爲心又焉忍伸此屈彼長其奸而導之攘奪哉前此海濱

要地增設大員彈壓果其秉公查看經理得宜應卽令界址劃然各歸其主不當遷延歲月仍假姦民之便而使窮黎久致失業也夫姦豪不懲則無以安良善經界不正則無以杜爭端該督撫應飭所屬親民之員毋以姑息怠緩從事庶令民業各正而爭訟亦自少息矣特論

乾隆二十七年三月初二日奉

上諭朕稽典時巡念海疆爲越中第一保障比歲潮勢漸趨北大壘實關海寧錢塘諸邑利害計于老鹽倉一帶柴塘改建石工卽多費帑金爲民永遠禦災捍患良所

海寧州志

卷首

詔諭

四

弗惜而議者率以施工難易彼此所見紛岐昨於行在先命大學士劉統勳河道總督高晉巡撫莊有恭前往工所簽試椿木朕抵浙次日簡從臨勘則柴塘沙性澀汕一椿甫下始多扞格卒復動搖石工斷難措手若舊塘迤內數十丈許土卽宜椿而地皆田廬聚落將移換石工毀拆必多欲衛民而先殃民其病甚于醫瘡剜肉矣朕心不忍且并外塘而棄之乎抑兩存而贅疣可乎以茲蒿目熟籌所可爲吾民善後者惟有力繕柴塘得補偏救弊之一策耳地方大吏其明體朕意悉心經理定歲修以固塘增坦水石簍以資擁護庶幾盡人事



而荷

神庥是朕所寄盱厪懷不能刻置者至繕工欲固購料不  
得不周現在採辦柴薪非河工秣葦之比向爲額定官  
價所限未免拮据應酌量議加俾民樂運售而官易集  
事其令行在戶部會同該督撫詳加定議以聞朕爲浙  
省徃復咨度之苦心其詳具見誌事一詩督撫等可竝  
將此旨于工次勒石一通永志遵守毋忽欽此

又同日奉

上諭尖山塔山之間舊有石壩朕今親臨閱視見其橫截  
海中直逼大漕猶河工之挑水大壩實海塘扼要關鍵

海寧州志

卷首

詔諭

五

波濤衝激保護匪易但就目下形勢而論或多用竹篾  
加鑲或改用木櫃排砌固宜隨時經理加意防修如將  
來漲沙漸遠宜卽改作條石壩工俾屹然成砥柱之勢  
庶於北岸海塘永資保障該督撫等其善體朕意於可  
興工時一面奏請一面動帑儉辦并勒石塔山以誌永  
久欽此

乾隆三十年閏二月初五日內閣奉

上諭海寧石塘工程民生攸繫深厪朕懷連年潮汛安瀾  
各工俱屬穩固茲入疆伊始卽日就近親臨相度先行  
閱視遠城石塘五百三十餘丈實爲全城保障而塘下

坦水尤所以捍衛石塘但向來止建兩層今潮勢似覺頂衝外沙漸有汕刷二層之外應須預籌保護該撫等上年所奏加建三層坦水六十餘丈止就尤險要處而言于全城形勢尚未通盤籌畫若一例普築三層石坦則于護城保塘尤資裨益着將應建之四百六十餘丈均卽一例添建其二層舊坦內有椿殘石缺者亦着查明補換該督撫等其董率所屬悉心籌辦動帑興修務期工堅料足無濫無浮以收實濟副朕爲民先事預籌之至意欽此

乾隆三十七年二月二十四日奉

海寧州志

卷首

詔諭

六

上諭據富勒渾奏海塘沙水大勢自正月望汛以後分溜漸逼北面漲沙而行現在飭屬于西口門外內加緊開溝挖寬俾經中壘引河暢行無滯等語浙省海潮溜水趨向靡常朕兩次親臨閱視令將海寧一帶柴塘坦水加意培修用資防護至尖山等處漲沙形勢惟令較原勘箋誌按月報聞驗其消長深知潮汛遷移乃其自然噓吸之勢非可以人力相爭施工於無用之地也邇年漸欲循赴中壘固爲可喜今復改趨向北亦其溜逼使然惟當于北岸塘工勤加相度修繕俾無衝囓之虞瀕海田廬藉其保障方爲切實要務若開挖引河雖亦尋

常補苴之策而當溜趨沙激豈能力挽回瀾正恐挑港鑿沙徒勞無益況浙潮靈奇非他處可比必有

神默司其契豈能強施人事妄與爭衡富勒渾止當實力保衛隄塘以待潮汐之自循舊軌不必執意急爲開溝引溜之計必欲以人力勝海潮也將此傳諭知之仍將此後潮勢情形逐月詳晰具奏欽此

乾隆三十七年三月十一日奉

上諭富勒渾奏報海塘沙水情形一摺以新舊圖比較上月海寧南門外有漲沙一片此次全行刷去相距不過一月而形勢不同若此可見海潮往來靡定非人力所能

海寧州志

卷首

詔諭

七

能爭前次富勒渾欲開引河冀圖分導恐其徒勞無益會爲明白切論今潮勢旣趨北壘則北岸隄防自關緊要隨時察勘葺護勿使稍有疎虞此則所當盡力者至南岸蕭山一帶前歲熊學鵬奏請改建石塘朕以自古南岸無塘且該處偶被風潮事非常有不應做北岸魚鱗坦水之規恐於事無濟徒爲奸胥墨吏中飽開銷因不允所請昨召見侍郎周煌偶詢及海塘之事據奏南塘自井亭徐至蘆葦河又自蘆葦河至富家池兩工沙地去海甚近爲最險自富家池至長山頭土塘爲次險其意亦以爲宜建石塘朕以浙海向本無塘自吳越王

錢鏐因建都臨安始築錢塘捍衛其後遂相沿修繕墾石日增藉爲北岸保障亦因海潮大勢趨北時多不得不培加防護耳至南岸向係土塘自古及今未聞其時有衝齧且水勢所趨貴乎因勢順導若亦束以石塘使其勢不得游衍自非所宜卽如直隸之永定河兩岸築堤議者尚有束牆遏水之論況海濤鼓盪噓吸不可端倪者乎朕于關係民生之事雖數百萬帑金亦所不惜政恐徒事更張行之無益而有損不得不加愼重耳若以爲塘身距海漸近不可不預爲籌備亦正未必盡然蓋潮趨南壘則蕭山一帶必當其衝然數百年來豈無

一趨南岸之時未聞蕭山一帶受其害也或潮由中壘慮與南岸近則乾隆十六年朕南巡時潮正由中壘彼時南岸之塘去海遠近若何現在海趨北壘中壘尚未至何卽慮及蕭山乎著富勒渾卽行查明據實具奏又周煌稱石塘之說非倡自地方官乃該處民人自願捐修赴省具呈果爾又不當過于拘泥小民如果灼見利弊所在欲圖自衛原可聽從其便亦如民間隄堰陂塘隨宜築治果屬輿情便利有司自不當禁遏不從朕亦斷不因有前旨稍存成見也著富勒渾一併確查據實覆奏欽此

雍正十年六月

世宗憲皇帝御製海神廟碑文

國家虔修祀典以承上下神祇嶽瀆海鎮之神秩祀惟謹  
視前代爲加隆焉朕臨御以來夙夜以敬

天勤民爲念明神之受職於

天而功德被於生民者昭格薦歆敬禮尤至其爲民禦大災  
捍大患合於祭法所載則尊崇廟貌以昭德報功蓋所以  
遂斯民瞻仰之願而動其敬畏祇肅之心使毋敢慢易爲  
非以得永荷

海寧州志

卷首

宸翰

九

明神之嘉貺意至遠也皇輿東南際大海而浙江海寧居  
瀕海之衝龕山赭山列峙其南颶風怒濤潮汐震蕩縣治  
去海不數百步資石塘以爲捍蔽雍正二年潮涌隄潰有  
司以聞朕立遣大臣察視修築且念小民居恒罔知敬畏  
慢神褻天名災有自爰切諭以修省感應之道命所司家  
喻戶曉警覺衆庶比年以來徼

明神庥佑塘工完固長瀾不驚民樂其生閭井蕃息越七  
年秋汛盛長幾至泛溢吏民震恐已而風息波恬隄防無  
恙遠近懽呼相慶謂惟

大海之神昭靈默佑惠我蒸黎以克濟此朕惟滄海含納

百川際天無極功用盛大

神實司之海寧爲海壖劇邑障衛吳越諸大郡海潮內溢則昏墊斥鹵咸有可虞

神之禦患捍災莫此爲大特發內帑金十萬兩勅督臣李衛度地鳩工建立

海神之廟以崇報享經始於雍正八年春三月洎雍正九年冬十有一月告成門廡整秩殿宇深嚴丹雘輝煌宏壯鉅麗時展明禋典禮斯稱爰允督臣之請勒文穹碑垂示久遠俾斯民忻悚瞻誦共喻朕欽崇

天道祇迓

海寧州志

卷首

宸翰

十

神庥懷保兆民之至意相與嚮道遷善服教畏神則

神明之日監在茲顧答歌饗其炳靈協順保護羣生奠安疆宇與造物相爲終始有永勿替朕實嘉賴焉雍正十年

六月十一日

雍正十一年二月

世宗憲皇帝遣內大臣海望直隸總督李衛等致祭海神文明神受職於天恩覃澤國禦災捍患利賴宏深凡茲東南黎庶所得保室家而安耕鑿者神之賜也朕躬膺天命撫馭寰區夙夜敬共以承上下神祇之祀所期海宇蒼生永蒙庇佑惟茲浙西郡邑實爲瀕海要衝比年以來仰荷神

靈嘉貺頻昭安瀾共慶廼者風潮鼓蕩衝潰隄防近逼民居吏人震恐朕痾瘵在念軫惻惟殷專遣重臣周行相度涓日鳩工爲海疆圖久遠奠安之計用是潔誠致禱虔命在工大臣敬展祀事昭告悃忱伏維明神俯念海壖億萬生靈城郭田廬于茲托命隄工木石皆出脂膏力役所需民衆勞苦伏冀弘昭福佑默相大工綏靜白靈風恬波息俾工作得施長隄孔固克底厥績護衛烝民保聚生全安享樂利則東南列郡溥被庥祥朕實拜明神之功德於無疆矣謹告

乾隆二年七月

海寧州志

卷首

宸翰

十一

御製尖山觀音廟碑文

我

皇考世宗憲皇帝厘念浙江海塘爲瀕海諸郡保障先後遣大臣相度形勢鳩工庀材動發帑金二百餘萬繕舊葺新俾居民有所倚恃尖山者海隅之一山也以石爲址矗立滄濤朝朝夕汐必經其麓因卽其上建大士廟用以棲神靈來景貺經始於雍正十三年冬十月越乾隆元年八月告成所司以勒石記事上請朕惟海于天地間爲物最鉅非有神靈默相人力將無所施功而佛法不可思議恒能贊助造化庇佑蒼黎有感必通捷于影

響釋氏所稱觀音大士以慈悲爲體以救度爲緣普濟衆生隨聲應現其功用大矣我

皇考爲民祈福之心無乎不至神之能爲民禦大災捍大患者敬而禮之浙中名山若普陀若天竺皆大士道場靈應夙著尖山之名雖未顯于古而與靈鷲落伽遠近相望層巘巖業近接潮音實爲神明之宅寶坊旣建將見風檣琛舶出入于烟波浩渺之中雲旂翠旛往來擁護而馮夷息警颶風不興竝海之民安居樂業熙熙然耕田鑿井以咏歌

皇考之聖澤于無疆者神之庥也爰鐫之貞珉以誌緣起乾

海寧州志

卷首

宸翰

十一

隆二年七月二十日

乾隆五年七月

御製海寧縣尖山壩工告竣碑文

浙之海寧縣東南濱海之境有尖塔二山相去百有餘丈臨流聳峙根址毘連爲江海門戶潮之自三疊入者北疊爲最大二山其首衝也舊有石壩捍禦洪潮積久漸毀我

皇考世宗憲皇帝屢念瀕海生靈

特命重加修築厥後以湍急暫停朕仰承

先志勤恤民依諄諭封疆大吏盡心籌畫邇年以來沙之坍



者口以漲潮之北者日以南度可興工爰命撫臣及時  
完整茲乾隆五年夏撫臣奏自二月間庀材興役子來  
雲集踴躍爭先兼以風日晴和程工倍速屆今閏月之  
初工已告竣一望崇墉屹如磐石向之惴惴恐懼慮爲  
波臣者安耕作而荷平成恭請勒石紀載垂諸無窮夫  
禦災捍患貴先事而爲之防海波浩瀚際天潮汐出入  
高如連山疾于風霆瞬息數千百里非人力倉卒所可  
禦居民恃石塘以爲安石塘恃二山以爲障而連絡二  
山之勢延袤橫亘若戶之有闕關之有鍵繫壩工是繫  
今者隄岸堅完沙土高塗高阜藩籬旣固石塘可保無

海寧州志

卷首

辰翰

三

虞廬舍桑麻綺分繡錯東南七郡咸登衽席之安非特  
寧邑偏隄而已是役也施力于烟濤不測之區奏功速  
而民不勞良用嘉慰繼自今守土之臣其益恪勤奉職  
共體此事事有備之意以保我蒸黎海疆其永有賴諸  
乾隆五年庚申秋七月十八日

乾隆十六年

遣左副都御史胡寶瑑致祭海神文

惟神障衛東南奠安民物靈昭於越百川於是朝宗利  
擅江湖萬彙資其潤下挹波光之澄澹潮汐無虞宜廟  
貌之巍峩馨香弗替朕觀風吳會稅駕錢江覽井邑之

阜寧慶風濤之恬息捍災禦患瞻靈爽以非遙崇德報  
功在經臨而不廢神其歆格鑒此明禋

乾隆二十二年二月

遣散秩大臣昭毅伯永慶致祭海神文

惟神惠安南紀奠定東瀛德著朝宗翕受用承乎百谷  
功歸潤下灌輸兼利乎三農嘉清晏之蒙休滄波久靖  
念閭閻之托庇報饗宜虔朕法古觀風載臨浙水睹此  
安瀾之有慶益徵神貺之無涯于豆于登稽舊儀而勿  
替以妥以侑當時邁而彌殷尚冀居歆永綏兆庶

乾隆二十七年

海寧州志

卷首

宸翰

十四

遣散秩大臣永福致祭海神文

惟神靈毓東瀛惠茲南服潮真有信式彰日母之神海  
不揚波永奠天吳之宅峯連龕楮乾坤軒豁其端倪水  
界桐廬子午均調夫節候金隄鞏固丕荷鴻庥貝闕澄  
清允懷顯佑朕時巡越國載覽胥江萬頃鎔銀天淨魚  
龍之氣一奩皎鏡岸融梅柳之春俾展馨香用醞利濟  
山川望秩稽舊典於虞書河岳懷柔協彝章于周頌神  
其昭格歆此苾芬

乾隆二十七年三月

聖駕閱視海塘

御製觀海塘誌事示總督楊廷璋巡撫莊有恭

明發出慶春駕言指海寧海寧往何為要欲觀塘形浙  
海沙無常南北屢變更北坍危海寧南坍危紹興惟趨  
中小壘南北兩獲平然苦中壘窄其勢難必恒紹興故  
有山為害猶差輕海寧陸且低所恃塘為屏先是常趨  
南漲沙率可耕兩度會未臨額手謝神靈庚辰忽轉北  
海近石塘行接石為柴塘易石自久經費帑所弗惜無  
非為民生或云下活沙石隄艱致擊或云量移內接築  
庶可能切忌道旁論不如目擊憑活沙說信然尺寸不  
可爭塘邊試下木椿始苦沙澀用二百餘斤之礮一築  
率不及寸許待椿下既深又苦沙散不能齧木椿

海寧州志

卷首

宸翰

五

搖搖無移內似可為閭閻櫛比并柴塘向內數十丈其  
土似宜椿可以即工  
著也然所在皆田廬此處為塘必致毀棄田廬患未至而先殃民心復有所不忍其無室廬處又

復多池阬固云舉大事弗顧小害應然以衛民心忍先  
使民驚且如內石建寧聽外柴傾是將兩隄間生靈獨  
滄瀛如仍護外當去聲奚必勞內營以此吾意決致力柴  
塘成坦水簍石置可固隄根撐柴艱酌加價毋俾司農  
程命行在戶部及該  
督撫詳議加柴價補苴示大端推行宜殫誠

御製題土備塘詩

土備塘云海望修意存未雨早綢繆石柴誠賴斯重障  
是謂忘脣守齒謀

御製觀海潮作歌

辛未觀潮潮已奇杭人猶稱其力微丁丑觀潮潮未至  
作歌高樓聊記事似神而非者曰三逮茲三度潮真酣  
卻非江樓觀約略勦得乃在柴塘尖我閱柴塘籌禦海  
詎圖快覽驚濤駭因緣大汛三月三洪瀾有若將予待  
跋馬指東向鹽官一條銀線天際看捲江倒海須臾至  
迎來底藉江山船江山船迎潮見前詩色猶未覩先聞聲礮礮磅  
礮鞦匄匄徐行鞍轡攬其狀大哉觀矣誰與京胥母弭  
節倏奔瀉竝驅素車而白馬淋淋汨汨浩湯湯踰蹠配  
藜白鷺下一空前此初遇奇旣欣漸復生愁思長菱厚

海寧州志

卷首

宸翰

六

石弗預固秋來轉瞬奚當之

御製閱海塘記

隆古以來治水者必應以神禹爲準神禹乘四載隨山  
濬川其大者導河導江胥入於海禹之蹟至於會稽會  
稽者卽今浙江之區所謂南北互爲坳漲遷徙靡常地  
神禹親歷其間何以未治豈古今異勢爾時可以不治  
治之乎抑海之爲物最巨不可與江河同人力有所難  
施乎河之患旣以隄防海之患亦以塘壩然旣有之莫  
能已之已之而其患更烈仁人君子所弗忍爲也故每  
補偏救弊亦云盡人事而已施隄防於河已難而況措

塘壩於海平海之有塘壩李唐以前不可考可考者蓋自太宗貞觀間始歷宋元明屢修而屢壞南岸紹興有山爲之禦故其患常輕北岸海寧無山爲之禦故其患常重乾隆乙丑以後丁丑以前海趨中壘浙人所謂最吉而最難獲者辛未丁丑兩度臨觀爲之慶幸而不敢必其久如是也無何而戊寅之秋雷山北首有漲沙痕已邇之春遂全趨北大壘而北岸護沙以漸被刷是柴塘石塘之保護於斯時爲刻不可緩者易柴以石費雖巨而經久去害爲民者所弗惜也然有云柴塘之下皆活沙不能易石者有云移內數十丈則可施工者督撫

以斯事體大不敢定議夫朕之巡方問俗非爲展義制宜措斯民於衽席之安乎數郡民生休戚之關孰有大於此者可以沮洳海濱地險辭而不爲之悉心相度以期乂安吾赤子乎故於至杭之翼日卽減從趨程策馬隄上一履視測度然後深悉夫柴塘之下不可施工以其實係活沙椿樑弗牢訖不可以擊石也柴塘之內可施工而倉卒不可爲以其拆人廬墓桑麻填坑塹未受害而先驚吾民也卽曰成大利者不顧小害然使石塘成而廢柴塘是棄石塘以外之人矣如仍保柴塘則徒費帑項爲此無益而有害之舉滋弗當也於是定議

修柴塘增坦水加柴價一經指示而海塘大端已具守  
士之臣有所遵循卽隨時入告亦以成竹素具便於進  
止也議者或曰所損者少而全者衆柴固不如石堅何  
爲是姑息之論然吾聞古人云井田善政行於亂之後  
是求治行於治之時是求亂吾將以是爲折中而不肯  
冒昧以舉者此也踏勘尖山之日守塘者以漲沙聞後  
數日沙漲又增命御前大臣誌石篋以驗之果然自初三日  
親臨閱塘後卽命都統努三額駙福隆安立標於石篋  
之上以驗增長今復遣往視回奏云十日以來沙漲至  
五尺餘土人斯誠以爲神佑

海神之佑耶但丁丑以前已趨中壘者尙不可保而況今

海寧州志

卷首

宸翰

六

數尺之漲沙乎然此誠轉旋之機是吾所以默識靈貺  
益勵敬

天勤民之心也是吾所以望神禹而怵然以懼慚無奠定之  
良策也至海寧日卽虔謁

海神廟

皇考御製文在焉因書此記於碑陰以識吾閱塘咨度者如  
是固不敢以已見爲必當也

御製謁

海神廟瞻禮有作

鹽官駐馬先虔謁

廟貌枚枚

皇考修捍患禦災宜

祀典恬風靜浪賴

神庥卽今南漲方圻北尙此春逢況值秋黍稷非馨在明

德是吾所愧敢忘愁

御製駐陳氏安瀾園卽事雜詠六首

名園陳氏業題額曰安瀾至止緣觀海居停暫解鞍金

隄築籌固沙渚漲希寬總廬萬民戚非尋一已歡

兩世鳳池邊高樓

睿藻懸

樓中恭懸

皇考林泉耆碩

御書是編修陳邦

海寧州志

卷首

宸翰

五

渥恩賚耆碩適性愜林泉是日亭臺景春遊角徵絃觀瀾遂

返駕供帳漫求妍

隅園舊有名

以是園爲暫憩之所因賜今額隅園其舊名也

巖壑窈而清城市

山林趣春風花鳥情溪堂擅東海古樹識前明世守猶

陳氏休因擬奉誠

別業百年古喬松徑路尋梅香聞不厭竹靜望偏深瑞

鶴舞清影時禽歌好音最嘉泉石處樵帖玩懸針

元臣娛老地內翰肯堂年賭墅棋聲罷木天甄影捐竹

堂致瀟灑月閣挹清娟

竹堂月閣皆園內名勝

信宿當廻蹕池邊

坐少延

天朗惠風柔臨溪禊可修是日趣真如谷口姓不讓岡上已頭意以延清永步凶覓韻畱安瀾祝同郡寧爲暢巡遊

御製睡醒

睡醒恰三更喧聞萬馬聲潮來勢如此海晏念徒縈微禹乏良策傷文多愧情明當陟尖嶠廣益竭吾誠

御製塘上四首

西塘尙有沙塗護既至東塘沙總無石不能爲柴欲朽防秋要計可徐圖

鹽官從不曉迎鑿古樸民風致可觀卻勝杭嘉多飾禮綵棚鼓樂滿河干

海寧州志

卷首

宸翰

二

葦廬竈戶日煎鹽辛苦蠅頭覓潤霑噓歔胼胝耐燥溼厚資原是富商兼

隄柳青青畦菜黃村梅遮隴遠聞香徐行容度周防計懶惰無心問景光

御製尖山禮大士作

秋水精神滿月相峰巔妙演海潮音普陀天竺何遙近無礙隨緣應感心

御製登尖山觀海作

輿圖早已識尖山地設天開障海關東北岡巒捍猶易西南柴石禦爲艱虔心所祝資埶漲蒿目無方計剔鬢



大吏載咨補偏策盡吾誠耳敢云閑

御製視塔山誌事詩

尖山實捍海塔山舒右翼翟邨當兜灣賴此雄潮逼條石未可築塊石先救急其下布石簍射溜圖根立策馬視履痕云沙漲數尺浙撫臣言竹簍貯石下護壩基數日來沙漲掩簍四尺許遂命立標以驗增漲尺寸是為轉旋機其然談何易叶詎當恃

天佑而弗盡予責叮嚀示方伯吾意知應悉斯時工難施沙

遠當易石魚鱗一例接方為經久策

御製閱海塘疊舊作韻

今日海塘殊昔塘丁丑南巡時海塘大溜尚走中壘已卯以來潮勢復趨北壘現飭大吏相

海寧州志

卷首

宸翰

三

度修繕以補偏而已策無良北坍南漲嗟燒草水占田為民衛

區竟變桑父老常談寧可諉土人以三壘海潮之行不南即北此因任之論與河

徙天數語同非治水者所宜出也

明神顯佑詎孤慶

雍正七年海寧復命錢塘崇飾

勅建海神廟近祠宇以昭靈貺

尖山跋馬非探勝萬井安全慮不遑

御製上巳

尖塔二山名攬全形陳園蹕暫停佳時逢上巳隨地可稽

亭綠水澄而照春梅靜以馨託波杯不泛惡旨有芳型

乾隆三十年閏二月

聖駕巡幸浙江

御製自石門縣跋馬度城易輕舟至陳氏安瀾園卽景雜

詠

艤舟跋馬度由拳心喜觀民緩著鞭更有闕塘予正務  
遂循溪路易輕船

夾溪萬姓喜迎鑿桑柘盈剡入畫看廿四槩過風帆去聲

駛片時新壩到長安

卽壩名

壩隔高低換綵舟綵舟致重籀聲柔仍圖迅利策予馬  
蓄眼韶光面面酬

鹽官三載重經臨兩字安瀾實厯心駐輦春風棄清暇  
果然城市有山林

海寧州志

卷首

宸翰

三

遣工部侍郎范時紀致祭海神文

惟神惠普南邦靈昭東海受百川而積潤信有常期匯  
萬壑以爲宗量惟竝納澄光如鏡風清伍相之江靜影  
沉山日麗錢王之地鴻庥丕著永固金隄顯祐常昭彌  
滋玉甸朕虔修茂典載舉時巡覩萬頃之安瀾魚龍効  
順當三春之和日節候均調用展明禋良酌翊贊懷柔  
河岳誦禱允協乎彝章望秩山川披圖克紹夫舊典神  
其昭格式此馨香

御製駐陳氏安瀾園疊舊作卽事雜詠六首韻

如杭第一要籌奠海塘瀾水路便方舸

前巡抵杭城由陸路赴海寧閱

塘今年舟次石門卽從別港水道  
前進先駐是園取便程急先務也  
江城此稅鞍汝潮仍  
似舊宵旰那能寬增我因心懼慙其載道歎

隅園城角邊新額與重懸意在安江海心非耽石泉喬  
柯皆入畫好鳥自調絃有暇詩言志雕蟲不尙妍

鹽官誰最名陳氏世傳清詎以簪纓嚇惟敦孝友情春

朝尋勝重去聲

聖藻賜褒明

原任大學士陳元龍請老時  
林泉者碩額以寵其行今恭奉園樓正中  
皇考書賜來

日尖山詣祈

麻盡我誠

書堂橋那畔熟路宛知尋既曲越延趣惟幽不礙深風

海寧州志

卷首

宸翰

三

翻花動影泉出峽畱音古枯無榮謝森森青玉針

園以梅稱絕盤根數百年古風度迴別時世態都捐春

入香惟淨月來影亦娟閒吟將對寫消得意爲延

溪泛櫓聲柔溪涯有竹修獺時看伏翼是園水中有獺魚竝育

槎頭似此真佳處無過信宿畱觀塘吾本意詎可恣遊

遊

御製海神廟瞻禮疊舊作韻

庚辰之歲潮趨北柴石塘工重去聲事修亟頌

施仁斯益切不更平聲爲患卽

貽麻漲沙雖縱聞增渚汎水無過幸晏秋

廟貌欽崇緬

皇考中壘未復祇懷愁

御製命添建海寧縣城石塘前坦水石詩以誌事

柴石兩塘工前巡大端定

前巡閱視海塘時有以老鹽倉一帶柴塘恐難經久請易

柴為石者及親臨度試則塘內沙活不可下椿再移內數十丈雖工作可施勢必毀棄舊廬未弭患而先殃民又豈保衛之道因決意修築柴塘勅部議增薪值俾採購裕足並命添置坦水箕石捍護隄根茲來重

相視事無不用敬念茲古縣城萬民所託命城南即石

塘魚鱗固綿亘但潮今北趨已近塘根迎坦水縱兩層

潮來惟一賸設使久盪激塘根將致病去歲雖添建六

十丈而竟尚欠久安策俾增一律稱

去歲撫臣請建坦水六十餘丈止就

海寧州志

卷首

宸翰

五

險要而言於全塘形勢尚未籌及因命增建四百六十餘丈並視二層舊坦之椿殘石缺令補易繕完使護塘根末資殺去勢護石工費帑吾寧聽何當復中壘額手鞏固斯誠慶

御製塘上三首

尖山將往閱潮淤塘上清晨發步輿一帶隄根皆醬水

撫斯安得暫心紓

魚鱗誠賴此崇隄隄裏人家屋脊齊土備卻稱守重障

土備塘海望所修欲以為重關保障夫石塘外如果可為重障尚可今為之塘內且置人家於外豈有土更堅於石之理譬之防盜者舍牆一行遙見柳烟低

竈戶資生金海存刮沙煎滷事牢盆茅棚葦竇何妨覽

欲悉吾民衣食源

御製登尖山觀海

峇嶺淨土普門憑觀海因之棧道登愧我敢云希績底  
奠茲惟是賴仁能臺臨上下空無際舟織往來波不興  
俯視塔山資射浪謾言沙漲有明徵

御製視塔山誌事疊舊作韻竝示地方督撫及司事者

壬午視塘後沙漲伸如翼不久復致坍溜仍塘根逼自  
茲月據報壩基下有護根石簍前巡臨閱時沙漲掩簍  
痕四尺許因命標誌其處驗增漲尺寸浙撫  
每月時緩亦時急即今石簍下又見漲沙立較之昔立  
奏報標乃更增五尺沙漲時有羸縮茲親臨勘驗較舊誌復  
增五尺大吏皆謂江海效靈然坍漲靡

海寧州志

卷首

宸翰

三

常寶不敢即以為慰也

效靈謾致頌安保無更易夫惟君與臣均

有安民責為民籌保障可弗此心悉何時沙坂豎魚鱗  
易條石惟俟

天默佑斯實乏良策

御製閱海塘再疊舊作韻

依舊潮頭近逼塘

貽謨昔日計深長

自乾隆戊寅後潮勢復漸趨北壘恃魚鱗大石塘及坦水竹絡壩為鞏護益仰

皇考定制實為萬世永賴

成規敬守修柴石

先是建議者擬易柴塘為石工壬午親臨相度塘下活沙既汕澀不受椿而內徙又妨田廬因命專修柴塘且增料值古語誠符變海桑  
其條石各工隨宜加費俾資捍禦

北漲北坍南漲惟浙省爲然蓋無有百年不易之事思復中壘亦過平聲望便由故

道敢私慶盡人事俟神庥耳蒿目一勞念未遑

御製觀潮四首

鎮海塔傍白石臺觀潮那可負斯來塔山潮信須臾至

羅刹江流爲去聲倒迴

橐籥堪與呼吸隨混茫太古合如斯伍胥文種誠司是之二人前更屬誰

候來底藉鳴雞伺朔望六時定不差斫陣萬軍馳快馬飛空無轍轉雷車

海寧州志

卷首

宸翰

三

當前也覺有奇訝鬧後本來無事仍我甫廣陵辨方域

枚乘七發觀濤廣陵之曲江注未詳其所在後世乃指浙江爲曲江以浙江濤廣陵濤溷而爲一蓋未深考漢書地理誌餘杭屬會稽而不屬廣陵相習傳譌耳且如篇內伍子之山胥母之場竝在吳境於揚於杭皆風馬牛不相及尤難強爲比附因漫重七發述枚乘作廣陵濤疆域辨以正之

康熙六十一年

欽頌潮神廟

御書扁額

協順靈川

雍正十一年正月

欽頌海神廟

御書扁額

福寧昭泰

乾隆四年六月

欽頌海神廟

海寧州志

卷首

宸翰

七

御書扁額

清宴昭靈

乾隆二十七年三月

聖駕親閱海塘謁海神廟

御題正殿扁額

澄瀾保障

御題柱聯

百谷歸墟澤滙江湖資利濟

三疊循軌潮平龕赭慶安恬

聖駕臨幸安國寺

御題佛殿扁額

法海安禪

御題柱聯

香水護須彌功德常澄一鏡

妙華現優鉢莊嚴合證三輪

上駐驛原任大學士陳元龍別業

御題曰安瀾園

御題扁額

水竹延清

聖駕閱視東塘至潮神廟

海寧州志

卷首

宸翰

三

御題扁額

恬波孚信

御題柱聯

池通潮汐安江裔

川障東南護海門

聖駕臨幸尖山觀音廟

御題扁額

補陀應現

御題柱聯

耳觀海潮音非彼非此



心源甘露品大慈大悲

乾隆三十年閏二月

聖駕重臨海塘

御題尖山觀海閣扁額

海闊天空

御題柱聯

臺臨上下空無際

舟織往來波不興

御題安瀾園聯

筠含籟戛金石韻

海寧州志

卷首

宸翰

三

花湛露霏錦繡香

賞資臣工

御筆謹附載

康熙三年

賜刑科掌印給事中楊雍建

御書扁額

從直建言可嘉

康熙二十九年

賜兵部左侍郎楊雍建

御書扁額

松喬堂

海寧州志

卷首

宸翰

三

康熙三十八年三月

賜日講官起居注翰林院侍講學士陳元龍

御書扁額

鳳池良彥

康熙四十一年三月

賜日講官起居注翰林院侍讀學士陳元龍

御書扁額

愛日堂

康熙四十二年二月

特賜誥封奉政大夫翰林院侍讀陳之閻

御書扁額

鳩杖龐眉

康熙四十四年三月

賜翰林院編修提督山東學政顧悅履父伯揆母程氏

御書扁額

椿萱眉壽

康熙四十四年四月

賜都察院左副都御史陳詵

御書扁額

玉箴堂

海寧州志

卷首

宸翰

三

御書堂聯

存心惟志道

勉力事依仁

康熙四十四年四月

賜經筵日講官起居注詹事府詹事兼翰林院侍讀學士陳

元龍

御書扁額

南陔日永

康熙四十四年四月

追賜詹事府詹事陳元龍母陸氏

御書扁額

慈教貽麻

康熙四十九年

賜禮部尙書許汝霖

御書扁額

清慎勤

康熙五十四年六月

賜詹事府左春坊左中允兼翰林院編修陳邦彥

御書扁額

春暉堂

海寧州志

卷首

宸翰

三

康熙五十年

賜國子監司業盧軒

御書扁額

日堂

雍正元年十一月

賜原任禮部尙書陳詵妻封一品夫人查氏

御書扁額

躬勞著訓

雍正元年十一月

賜翰林院侍講學士陳世倌

御書扁額

載筆清時

雍正十一年八月

賜太子太傅文淵閣大學士兼禮部尚書陳元龍

御書扁額

林泉耆碩

乾隆十六年三月

賜太子太保文淵閣大學士兼工部尚書陳世倌

御書扁額

綸扉耆宿

海寧州志

卷首

宸翰

三

乾隆二十三年二月

賜予告太子太傅文淵閣大學士兼工部尚書陳世倌

御製詩一章

夙夜勤勞言行醇多年黃閣贊絲綸陳情無那俞孔緯  
食祿應教例鄭均自是江湖憂未忘原非桑梓隱而淪  
老成歸告能無惜

皇祖朝臣有幾人